

Na osnovu člana 28. Zakona Bosne i Hercegovine o izvršenju krivičnih sankcija, pritvora i drugih mjera («Službeni glasnik BiH», broj 13/05), ministar pravde Bosne i Hercegovine donosi

P R A V I L N I K
O SADRŽAJU I OBRASCU SLUŽBENE LEGITIMACIJE
OVLAŠTENIH ZAVODSKIH SLUŽBENIKA U ZAVODIMA
ZA IZVRŠENJE KRIVIČNIH SANKCIJA PRITVORA
I DRUGIH MJERA BOSNE I HERCEGOVINE

Član 1.

Ovim pravilnikom uređuje se sadržaj i obrazac službene legitimacije (u daljem tekstu: legitimacija) ovlaštenih zavodskih službenika (u daljem tekstu: korisnik legitimacije) u Zavodima za izvršenje krivičnih sankcija, pritvora i drugih mjera Bosne i Hercegovine (u daljem tekstu: Zavod) i izdavanje, zamjena i vođenje evidencije o izdatim legitimacijama.

Član 2.

Legitimacija se izdaje korisniku legitimacije sticanjem svojstva ovlaštenog zavodskog službenika.

Član 3.

(1) Legitimacija služi korisniku legitimacije za dokazivanje njegove službene dužnosti i da ima prava i dužnosti utvrđene zakonom.

(2) Korisnik legitimacije dužan je nositi legitimaciju za vrijeme vršenja službene dužnosti i pokazati je prilikom obavljanja službenih poslova za koje je zakonom ovlašten.

Član 4.

(1) Legitimacija se izrađuje na punom papiru, oblika pravougaonika, dimenzija 90 mm x 55 mm, sivo-bijele boje u čijoj je sredini s obje strane utisnut znak zavodske policije, zaštićen omotom od prozirne mase, otpornim na mehanička, hemijska i toplotna djelovanja.

(2) Prednja strana legitimacije sadrži:

- a) grb Bosne i Hercegovine,
- b) naziv Bosna i Hercegovina, Ministarstvo pravde, Zavodska policija,
- c) ime i prezime korisnika legitimacije,
- d) dužnost koju obavlja korisnik legitimacije,
- e) jedinstveni matični broj građana (JMBG) korisnika legitimacije,
- f) serijski broj legitimacije i
- g) fotografiju korisnika legitimacije.

(3) Na poleđini legitimacije odštampana su sljedeća ovlaštenja korisnika legitimacije:

«Na osnovu čl. 26. do 38. Zakona Bosne i Hercegovine o izvršenju krivičnih sankcija, pritvora i drugih mjera («Službeni glasnik BiH», broj 13/05), lice na koje glasi ova službena legitimacija ovlašteno je nositi uniformu i oružje, čuvati i sprovoditi zatvorenike i pritvorenike, ući u stan i druge prostorije radi pronalaženja i hvatanja odbjeglih lica, upotrijebiti sredstva prinude, sredstva veze, saobraćajna sredstva, vatreno oružje i druga sredstva predviđena Zakonom».

- (4) Sadržaj legitimacije će biti odštampan na bosanskom, hrvatskom i srpskom jeziku.
- (5) Obrazac legitimacije je odštampan uz ovaj pravilnik i čini njegov sastavni dio.

Član 5.

- (1) Legitimacija je javna isprava.
- (2) Legitimaciju izdaje ministar pravde Bosne i Hercegovine.

Član 6.

- (1) Legitimacija se izdaje na zahtjev upravnika Zavoda.
- (2) Zahtjev iz stava (1) ovog člana sadrži lične podatke o licu za koje se traži legitimacija predviđene u obrascu legitimacije i dvije fotografije.

Član 7.

Ako korisnik legitimacije putuje u inostranstvo, dužan je legitimaciju predati na čuvanje upravniku Zavoda.

Član 8.

(1) Korisniku legitimacije kome prestane služba u zavodu ili koji bude raspoređen na poslove i zadatke koji nisu obuhvaćeni članom 2. ovog pravilnika, dužan je vratiti legitimaciju upravniku Zavoda.

(2) Legitimacija koju zbog znatnijeg oštećenja treba zamijeniti, kao i legitimacije iz stava (1) ovog člana, dostavlja se Ministarstvu pravde, radi uništavanja.

(3) U slučaju gubitka legitimacije, korisnik legitimacije dužan je najkasnije u roku od tri dana od dana gubitka, pismeno obavijestiti upravnika Zavoda radi izdavanja nove legitimacije.

Član 9.

(1) O izdatim i zamijenjenim legitimacijama vodi se knjiga evidencije.

(2) Evidencija iz stava (1) ovog člana sadrži:

- a) redni broj,
- b) ime i prezime lica kome je izdata odnosno zamijenjena legitimacija,
- c) serijski broj legitimacije,
- d) datum izdavanja,
- e) datum vraćanja legitimacije iz člana 8. ovog pravilnika.

Član 10.

Ovaj pravilnik stupa na snagu danom donošenja, a objavit će se u «Službenom glasniku Bosne i Hercegovine».

Broj: _____
Sarajevo, 26.04.2005.godine

MINISTAR

Slobodan Kovač

OBRAZAC SLUŽBENE LEGITIMACIJE

PREDNJA STRANA

Grb Bosne i Hercegovine	BOSNA I HERCEGOVINA - БОСНА И ХЕРЦЕГОВИНА MINISTARSTVO PRAVDE-МИНИСТАРСТВО ПРАВДЕ ZAVODSKA POLICIJA – ЗАВОДСКА ПОЛИЦИЈА
Fotografija	SLUŽBENA LEGITIMACIJA-ISKAZNICA-ЛЕГИТИМАЦИЈА
	_____ /Ime i prezime – Име и презиме/
	_____ / JMBG – ЈМБГ/
	_____ /Serijski broj – Серијски број/
	_____ / dužnost – дужност/

POLEĐINA LEGITIMACIJE SADRŽI SLJEDEĆI TEKST

<p style="text-align: center;">PRAVA I DRUŽNOSTI KORISNIKA LEGITIMACIJE</p> <p>Na osnovu čl. 26. do 38. Zakona Bosne i Hercegovine o izvršenju krivičnih sankcija, pritvora i drugih mjera («Službeni glasnik BiH», broj 13/05), lice na koje glasi ova službena legitimacija ovlašteno je nositi uniformu i oružje, čuvati i sprovođiti zatvorenike i pritvorenike, ući u stan i druge prostorije radi pronalaženja i hvatanja odbjeglih lica, upotrijebiti sredstva prinude, sredstva veze, saobraćajna sredstva, vatreno oružje i druga sredstva predviđena Zakonom.</p> <p>Na temelju čl. 26. do 38. Zakona Bosne i Hercegovine o izvršenju kaznenih sankcija, pritvora i drugih mjera («Službeni glasnik BiH», broj 13/05), osoba na koju glasi ova službena iskaznica ovlaštena je nositi odoru i oružje, čuvati i sprovođiti zatvorenike i pritvorenike, ući u stan i druge prostorije radi pronalaženja i hvatanja odbjeglih osoba, upotrijebiti sredstva prinude, sredstva veze, prometna sredstva, vatreno oružje i druga sredstva predviđena Zakonom.</p> <p>На основу чл. 26. до 38. Закона Босне и Херцеговине о извршењу кривичних санкција, притвора и других мјера («Службени гласник БиХ», број 13/05), лице на које гласи ова службена легитимација овлашћено је носити униформу и оружје, чувати и спроводити затворенике и притворенике, ући у стан и друге просторије ради проналажења и хватања одбјеглих лица, употребити средства принуде, средства везе, саобраћајна средства, ватрено оружје и друга средства предвиђена Законом.</p> <p>_____ /datum izdavanja/</p> <p style="text-align: center;">М.П.</p> <p style="text-align: right;">MINISTAR</p>
